

BASES DO PROCESO DE SELECCIÓN DOS ALUMNOS-TRABALLADORES PARTICIPANTES NO OBRADOIRO DE EMPREGO "CAMBADOS EMPREENDEDOR II"

Primeira.- OBXECTO.

Estas bases teñen como finalidade, de conformidade co previsto nos artigo 11º da Orde do 27 de decembro de 2019 da Consellería de Economía, Emprego e Industria pola que se establecen as Bases reguladoras das axudas e subvencións para os **Obradoiros de Emprego dirixidos a persoas mozas incluídas no ficheiro do Sistema Nacional de Garantía Xuvenil**, no ámbito da Comunidade Autónoma de Galicia, e se procede á súa convocatoria para o ano 2020 (DOG 21-01-2020), a determinación do sistema, procedemento, requisitos e baremos das probas que se aplicarán no proceso de selección dos alumnos-traballadores participantes no citado proxecto, promovido polo concello de CAMBADOS e subvencionado pola antedita Consellería.

As prazas de alumnos-traballadores que se convocan son:

- 8-prazas para a especialidade:
DINAMIZACIÓN ACTIVIDADES TEMPO LIBRE/DIRECCIÓN / E COORDINACIÓN ACTIVIDADES TEMPO LIBRE : SSCB0209/211. Nivel 2
- 8-prazas para a especialidade de:
LIMPEZA ESPAZOS ABERTOS E INSTALACIÓNS INDUSTRIAS. XESTIÓN DE RESIDUOS:
SEAG0209/018/. Nivel 1

Segunda.- OBRIGAS DOS SELECCIONADOS.

- ❖ Asistir e seguir con aproveitamento as ensinanzas teórico-prácticas.
- ❖ Asistir e seguir con aproveitamento as ensinanzas básicas e complementarias no caso de que non posuír a titulación do Graduado Escolar ou Graduado en ESO.
- ❖ Respetar as normas de réxime interior establecidas polos órganos colexiados ou unipersoais do obradoiro de emprego legalmente constituídos.
- ❖ Aceptar o posto de traballo que a través do obradoiro de emprego se lle poida xestionar.

Terceira.- RELACIÓN XURÍDICA DOS ALUMNOS-TRABALLADORES PARTICIPANTES COA ENTIDADE PROMOTORA DO OBRADOIRO DE EMPREGO.

1. Desde o inicio da súa participación no obradoiro de emprego, os alumnos- traballadores seleccionados serán contratados pola entidade promotora na modalidade de contrato para a formación e aprendizaxe.
2. Os contratos de traballo serán a xornada completa e non poderá exceder a data de remate do obradoiro de emprego (O proxecto terá unha duración de 12 meses).
3. As retribucións que se aboaran os alumnos-traballadores será a contía equivalente ó Salario Mínimo Interprofesional vixente e á parte correspondente das pagas extraordinarias de xullo e decembro.



Cuarta.-REQUISITOS DOS ASPIRANTES.

a) REQUISITOS XERAIS:

1. Atoparse incluídos nas listas remitidas pola Oficina de Emprego ao Concello de Cambados e ser desempregado/a, inscrito/a no Servizo Público de Emprego de Galicia como demandantes non ocupados e que estean dispoñibles para o emprego.
2. Posuír a capacidade funcional así como a capacidade física para o normal aprendizaxe das ensinanzas a impartir con ocasión do desenvolvemento do proxecto formativo.
3. Adaptabilidade á oferta dos postos que se van desempeñar.

b) REQUISITOS MÍNIMOS:

1. Persoas mozas de dezaioito ou máis anos que non superen a idade máxima que estableza a normativa vixente , no momento da selección do alumnado, inscritas e en situación de beneficiarias no ficheiro do Sistema nacional de garantía xuvenil no ámbito da Comunidade Autónoma de Galicia.

Ademais deberán manter o cumprimento dos requisitos esixidos na Lei 18/2014, modificada polo Real Decreto-Lei 6/2016 do 23 de decembro, con carácter previo a participar nos Obradoiros de Emprego.

2. Cumprir os requisitos establecidos na normativa reguladora do contrato para a formación e aprendizaxe, co obxecto de ter vinculación mediante un contrato de tales características ao Obradoiro de Emprego, desde a súa incorporación ao proxecto, en aplicación do previsto no artigo 11.2 e na disposición adicional segunda do Real decreto legislativo 2/2015, do 23 de outubro, polo que se aproba o texto refundido da Lei do Estatuto dos traballadores.
3. Cando a formación a impartir no proxecto vaia dirixida á obtención de certificados de profesionalidade de nivel de cualificación 1 ou 2, as persoas candidatas deberán cumprir os requisitos de acceso sinalados nos Reais Decretos que regulan os ditos certificados.

NOTA: Terán prioridade absoluta as mulleres vítimas de violencia doméstica, incorporadas e beneficiarias do programa de fomento de inserción laboral de mulleres vítimas de violencia, debidamente xustificada (Orde do 2 de maio de 2006-DOG do 10 de maio de 2006).

c) CAUSAS DE EXCLUSIÓN:

1. Incumprir os requisitos mínimos.
2. A expulsión doutro programa de formación en alternancia co emprego.
3. Posuír algún certificado de profesionalidade dos que se van impartir no Obradoiro de Emprego.



Quinta.- SISTEMA DE ADMISIÓN

O sistema de admisión será mediante a presentación da correspondente oferta de emprego que será tramitada ante a o Servizo Público de Emprego de Galicia (Oficina de Emprego de Cambados), ó amparo do previsto no Artigo 11 da citada Orde de 27.12.2019 (DOG.nº. 13 de 21 de xaneiro de 2020) da Consellería de Economía, Emprego e Industria, que remitirá ós candidatos preseleccionados para participar no proceso selectivo.

- a) **ÁMBITO XEOGRÁFICO:** O ámbito será o termo municipal, e de non atoparse candidatos suficientes (tres por posto), ampliarase a sondaxe, cos mesmos requisitos, aos concellos limítrofes, dando prioridade a aqueles concellos que non teñan proxectos de Obradoiros de Emprego.
- b) **REQUISITOS ALUMNOS:** Os requisitos establecidos na base cuarta.
- c) **NÚMERO DE CANDIDATOS:** 3 por posto.

Sexta.- PRESENTACIÓN DE SOLICITUDES

Os candidatos preseleccionados pola Oficina de Emprego, deberán presentar unha instancia no modelo normalizado que se establece nestas bases como Anexo II, dirixido á Alcaldesa-Presidenta, solicitando participar no proceso selectivo, debendo adxuntar a seguinte documentación:

- ❖ Fotocopia do DNI
- ❖ Vida Laboral actualizada (aínda que non teña experiencia laboral)
- ❖ Acreditación da maior Titulación académica adquirida
- ❖ Se é o caso, acreditación das Competencias Clave adquiridas
- ❖ Se é o caso, acreditación do seu grao e tipo de discapacidade
- ❖ Se é o caso acreditación de ser vítima de violencia de xénero,
(Incorporadas e beneficiarias do programa de fomento de inserción laboral de mulleres vítimas de violencia, debidamente xustificada (Orde do 2 de maio de 2006-DOG do 10 de maio de 2006).
- ❖ Documentación que acredite os ingresos que percibe, se fose o caso
- ❖ Acreditación de ter un Itinerario Personalizado de Inserción

Xunto coa instancia deberán presentar o **Anexo III (declaración xurada).**

A non presentación da referida documentación no prazo establecido, non será obxecto de baremación.



A Instancia e a documentación poderase presentar de forma presencial nos días, horas e lugar das instalacións municipais que se indique na citación que reciba da Oficina de Emprego ou de xeito telemático no prazo que se establezca.

A estes efectos poderase establecer o sistema de cita previa e os mecanismos necesarios para presentar as solicitudes de forma ordenada e garantindo as medidas de seguridade e distanciamento social recomendadas polas autoridades sanitarias por mor da crise sanitaria da Covid-19.

Sétima.- TRIBUNAL DE SELECCIÓN

O Tribunal cualificador conformarase de acordo co artigo 60.2 do Real Decreto Legislativo 5/2015 do 30 de outubro polo que se aproba o texto refundido da Lei do Estatuto Básico do Empregado Público e 59.2 da Lei 2/2015 do 29 de abril do Emprego Público de Galicia.

Tódolos membros do tribunal, a excepción do presidente, deberán posuír titulación ou especialización igual ou superior á esixida para o acceso ás prazas convocadas e terán voz e voto.

A presidencia poderá dispoñer a incorporación aos traballos do Tribunal de asesores especialistas, con voz e sen voto, cando a natureza ou circunstancias dalgunha das probas así o aconselle, limitándose os mencionados asesores a prestar a súa colaboración nas súas especialidades técnicas.

Os membros do tribunal deberanse abster de intervir comunicándoo ó Sr. Presidente cando concorra neles algunha das circunstancias previstas no artigo 23 da Lei 40/2015 do 1 de outubro, así como cando realizen tarefas de preparación de aspirantes durante os cinco anos anteriores á publicación desta convocatoria. Así mesmo os aspirantes poderán recusar ós membros do tribunal cando nos mesmos concorra algunha das circunstancias previstas para a abstención e de conformidade co establecido no artigo 24 da Lei 40/2015 do 1 de outubro.

O tribunal cualificador non poderá actuar ou se constituír sen a asistencia, como mínimo, de máis da metade dos seus membros, sendo imprescindible en todo caso a asistencia do presidente e do secretario, actuando con suxeción ás bases da convocatoria e quedando facultado para resolver cantas cuestións se susciten na interpretación das mesmas.

Contra os acordos do tribunal poderase interpoñer recurso administrativo ante o Sr. Presidente conforme ó previsto no artigo 121 da Lei 39/2015 de 1 de outubro do Procedemento administrativo común das Administracións Públicas.

Oitava.- SISTEMA DE SELECCIÓN

O sistema de selección constará nunha avaliación dos méritos alegados polos candidatos mediante a documentación aportada e en base o establecido no Anexo I destas bases.

Novena.- LISTA PROVISIONAL DE ADMITIDOS

Realizada a baremación da documentación publicarase no taboleiro de anuncios do Concello, na páxina web e no taboleiro de anuncios da Oficina de Emprego a lista provisional de candidatos seleccionados por especialidade establecendo o prazo para presentar alegacións.



Unha vez transcorrido o prazo para presentar alegacións e resoltas as mesmas, publicarase lista definitiva de candidatos por especialidade e a lista de reserva cos suplentes por orde de puntuación que será de ata 3 candidatos por especialidade.

Décima.- CRITERIOS PARA DIRIMIR EMPATES

Os criterios para dirimir os empates, no proceso de selección dos participantes no proxecto formativo como alumnos-traballadores, serán (por esta orde de desempate):

- a) Non haber participado con anterioridade nun obradoiro de emprego.
- b) Teñan a maior idade.
- c) Teñan o menor nivel académico.
- d) Teñan menor experiencia laboral.
- e) Maior antigüidade como demandante de emprego.
- f) Entrevista persoal.

No suposto de que a lista de reserva se esgotárase ou que ningún dos seus integrantes estivera dispoñible para a súa incorporación ao proxecto formativo, procederase a iniciar un novo procedemento selectivo.



ANEXO I

BAREMO SELECCIÓN ALUMNADO DOS OBRADOIROS DE EMPREGO DIRIXIDOS A MELLORAR A EMPREGABILIDADE DAS PERSOAS MOZAS INCLUÍDAS NO FICHEIRO DO SISTEMA NACIONAL DE GARANTÍA XUVENIL

CRITERIOS		PUNTOS
Discapacidade \geq 33% (Sempre que poidan realizar os traballos)		1
Idade	De 18 ata 20 anos	0,5
	De 21 ata 22 anos	1
	De 23 ata 24 anos	2
	De 25 ata < 30 anos	3
Experiencia laboral (Segundo vida laboral actualizada)	Ningunha	3
	Ata 12 meses	2
	> 12 meses	1
Nivel de Formación Académica	Baixa (que non posúan un carne profesional, certificado de profesionalidade de nivel 2 ou 3, título de F.P.) Ata graduado en ESO.	3
	Media (que posúan un carne profesional, certificado de profesionalidade de nivel 2, FP ciclo medio ou Bachelato)	2
	Alta (que posúan certificado de profesionalidade de nivel 3, título de FP de ciclo superior ou titulación universitaria)	0,5
Cargas familiares	0,5 puntos por persoa a cargo (menores ou familiares convivintes que carezcan de ingresos)	1 máximo
Candidatos con renta mais baixa	319,33 € (< 0,60 IPREM)	1.00
	319,34 €-585,76 € (> de 0,60 e < ou igual a 1,10 IPREM)	0.80
	585,77-852,02 € (> de 1,10 e < ou igual a 1,60 IPREM)	0.50
	852,03 €-1.065,02 € (> de 1,60 e < ou igual a 2,00 IPREM)	0.20
	>1.065,03 € (>2,00 IPREM)	0.00
	Computaranse a estes efectos as persoas que non perciban ningún tipo de ingresos: o/a cónxuxe ou parella de feito, fillos e fillas menores de vinteseis anos ou maiores con discapacidade, persoas maiores incapacitadas ou menores acollidos/as.	
Ter un itinerario profesioal de inserción		1
Non participar noutro obradoiro		5



ANEXO II

MODELO DE INSTANCIA

D.....,
veciño/a de, con domicilio
encon DNI
nº, con data de nacemento, e teléfono de
contacto nº

Interesado no concurso convocado para cubrir un posto de Alumno/a-traballador/a do Obradoiro de
Emprego "CAMBADOS EMPRENDEDOR II", mediante
contratación cun contrato de formación, ante a Sra. Alcadesa comparece e,

EXPÓN:

Que reúne todas e cada unha das condicións esixidas nas bases que rexen a convocatoria e que foi
preseleccionado pola Oficina de Emprego de Cambados.

E por todo isto,

SOLICITA:

Ser admitido ao concurso de méritos convocado para cubrir mediante contrato laboral de formación
dun posto convocado polo Concello de Cambados de ALUMNO-TRABALLADOR.

Pola presente autorizo ao Concello de Cambados para obter os datos necesarios que acrediten os
méritos alegados no procedemento ao abeiro do artigo 28.2 da Lei 39/2015 do 1 de outubro.

Cambados, a ____ de ____ de 2020

O/a Interesado/a



ANEXO III

DECLARACIÓN XURADA

Nome e apelidos: _____

DNI: _____

Enderezo: _____

Teléfono: _____

DECLARO (Marcar cun "X"):

1. Que son vítima de violencia de xénero:

- ☐ SI (Necesaria acreditación)
☐ NON

2. Que teño unha discapacidade superior ao 33 %:

- ☐ SI (Necesaria acreditación)
☐ NON

3. Que non participei como alumno-traballador noutro obradoiro

- ☐ SI
☐ NON

4. Que realizo un Intinerario de Inserción Profesional.

- ☐ SI
☐ NON

5. Que de acordo co especificado nas Bases, percibo os seguintes ingresos mensuais, _____ euros.

6. Ter ao meu cargo ás seguintes persoas:

Nome e Apelidos	Parentesco	Idade	Ingresos	Discapacidade

Computaranse a estes efectos as persoas que non perciban ningún tipo de ingresos: O/A cónxuxe ou parella de feito, fillos e fillas menores de vinteséis anos ou maiores con discapacidade, persoas maiores incapacitadas ou menores acollidos/as.

Cambados, a _____ de _____ de 2020

